

SCOTIÆ TABULA.

Lacūs

Caricta.

Soli fertilitas.

Coila.

Sinus.

Rensfroana.

Glottia.

Sinus.

Flumina.

Ager sterlinēsis.

Nusquam fere in Montes attollitur, sed collibus tantum frequentibus intumescit. In convallibus Inter eos qua restagnans innumeros prope lacus efficit, è quibus primis ante æquinoctium autumnale imbribus rivi augentur, unde multitudo incredibilis Anguillarum descendit, quas accolæ nassis vimineis exceptas sale condiunt, ac non modicum inde quæstum faciunt. In hac provincia lacus est *Myrtoun* dictus, cujus una pars aliarum aquarum more gelu hyeme concrevit; altera nullis frigoribus congelari potest. Extremum lateris est *Novantum* promontorium, sub quo in ostio *Lussi* fluminis Sinus est qui Ptolemæo *Rerigonius* vocatur. Ei ex adverso influit ex æstuario Glottæ Sinus vulgo *Lacus Rianus*, Ptolemæo *Vidogara*. Quod inter hos sinus terra procurrat Incolæ *Rinum*, id est Gallovidiæ aciem appellant. Ab eisdem *Novantum* mula, id est, rostrum live *victus* nominatur. Tota autem regio Gallovidia (nam *Gallovid* priscorum Scotorum lingua *Gallum* significat) nominatur. Infra Vidogaram a tergo Gallovidiæ leviter declinat ad Glottæ æstuarium *Caricta*. Eam duo amnes interfecant, *Stinsfarius* & *Grevanus*; uterque multis amœnis villis cingitur. Inter amnes qua in modicos colles tumet pascuis fecunda, nec infelix frumēto est. Tota terrestribus maritimisque copiis non modo sibi sufficiens, sed vicinis multa suppeditans. *Dunus* amnis eam a Coila separat, ortus ex ejusdem nominis lacu, qui insulam complectitur modicæ arcis capacem. Sunt in *Caricta* regione ingentis magnitudinis Boves, quorum caro tenera, suavisque esu est; pinguedo liquefacta semel nunquam concrevit, sed olei instar semper fluitat. Sequitur *Coila*, quam a Meridie Gallovidia, claudit, ab Ortū æstivo Glottianam attingit: ab Occasu *frvino* fluvio a Cunigamia distinguitur: mediam *Aera* amnis dividit. Ad eum sita est *Aera* emporium non ignobile. In universum regio est feracior virorum fortium, quam frugum aut pecorum, tota quidem tenui & arenoso solo: quæ res hominum industriam acuit, & parsimonia vires animi & corporis confirmat. In hac Provincia haud plus decem millibus passuum ab Aer oppido, saxum est duodecim vix pedes altum, xxx cubitorum non amplius spissitudine; haud immerito surdū appellatum. Nā si ingentem sonitū vel voce edas, vel scloppo, vel quovis crepitaculo; is qui ex aduersa parte erit saxo proximus, nihil audiet, qui remotior melius, qui remotissimus optime. *Cunigamia* post hanc ad Septemtriones procurrat, & Glottam submovet, ac prope ad justiamnis modum coërcet. Nomen huic Regioni Danicum esse constat, quod eorum lingua *Regis domicilium* significat: quæ res indicio est, eam Danos aliquando tenuisse. Proxima ad Orientalem ejus plagam sita est *Rensfroana*, ab opidulo in quo conventus ejus celebrari solent, appellata, vulgo *Baronia* dicitur. Mediam eam secant duo amnes quibus utriusque *Carthus* est nomen. Post Baroniam est *Glottica* ad utramque Glottæ ripam protensa, & ipsa in plures jurisdictiones ob magnitudinem divisa. Amnes nobiliores fundit: a læva *Avennum*, & *Duglassum*, qui in Glottam decurrunt: item a dextra alterum *Avennum*, qui Lothianam ab agro Sterlinensi dividit. Hi duo fluvii communem omnium appellationem loco proprii nominis acceperunt: quemadmodum in Vallia diversa dialecto is, quem Avonam vocant. *Sterlinensem agrum* a Meridie separat a Lothiana *Avennus*, ab Ortū æstuarium *Fortha*, donec paulatim seipso minor ad justam fluminis magnitudinem reductus prope Sterlinum pontem patitur